

四庫全書

集部

欽定四庫全書

御製詩三集卷九十

古今體一百五十五首

庚寅六

夏至齋居

兩朝連兩夜時霽復時陰
總未霑尺澤越教愁寸心
景

還因憶昔

北方常年逢夏至
齋仍望雨者多

候實迫於今翹望勞雙目

豐隆曷惠霖

夏至

北郊禮成述事

與祭宣尼重年年

殷薦承景長晷短值獻

爵晉琮仍露氣黃壇冪冪雲容碧宇凝庶幾霈

優澤企望敬彌增

夜陰

閏五月初二日

夜陰雖達晨雨乃未及寸展轉孤歎枕無眠徒屢問夏
至過三朝時迫益增悶返躬因自省或戒我恩靳恩實

未敢靳此語堪自信三十五年來遠者且休論新正布
德音普免正供進增科樂育材亦復頒命巽上年被災
處優恤與加賑即今預綢繆方伯早飭訓凡此惠民方
從無少惜吝而何闕甘膏無計寧俾邀

讀祭鱷魚文

鱷魚食畜且無遺文可通神信有之六十里應仍境內
不然鄰國壑奚宜

按唐史載韓愈驅鱷魚西徙六十里夫一州幅員豈

止六十里是仍在其境內若驅之他境是以鄰國為
壑也彼之民又將受鱷之暴矣而歐陽脩作陳堯佐
神道碑又稱堯佐捕鱷魚告以文而戮之云云夫鱷
果能為害又豈能捕而戮之即捕獲亦無庸告以文
也且自二事之後潮州仍唐宋之潮州也何未聞鱷
魚之害文人好奇說項其不可信率如此因讀韓文
並闢之

題董邦達山水冊

柳溪釣艇

挈舟溪上柳陰圍
出水輕條鮮且肥
便有飛鴉相呼去
聲去海鷗寧讓獨知幾

雲壁淙流

雲封絕壁飛為水
水落平崖態似雲
雲水本來非二物
自然圖裏鎮氤氲

荻洲漁侶

兩舟泛泛荻蘆叢
漁具相隨氣味同
若問伊人定誰是

日休皮與陸龜蒙

浮巖停靄

山容林態蔚蒼蒼負帶煙霞構草堂怪底筆情挾秀潤
自家家法學香光

石鈞穿雲

漠漠英英暗野寮蘭蹊屨步且非遙相逢同是煙霞客
便與穿雲過石橋

春城曉望

新陰綠樹出城頭
城上偏宜縱遠眸
疑是謫仙懷謝傅
春山一帶却非秋

一帆風正

三匹布帆三板舫
南風吹去北風還
浮家何必定浮海
祇在西苔東雪間

廻磯蕭寺

陡崖根吼怒濤撞
不禮金仙心已降
燕子磯頭蕭寺側
春風小憶俯長江

夜雨

閏五月初三日

傍晚族雲興雨乎猶未定誠恐復作風坐立增憂悵入
夕漸霰霰傾耳點聲聽及夜乃大作雷鼓砰訇競立霆
與旁霰雲雲電光映簷溜忽落瀑炎暎滌以竟徘徊那
能眠霈勢四更旦後漸斂霏微衾枕颯涼騰既慰既餘
惜旱久望實罄情知逮五寸足可興犁應然詎敢稱欣
益因勗勤敬

復雨

閏五月初四日

崇朝雲復合復雨真稱意無雷更無風悠揚暢容裔忽
作峽流壯忽作絲棼細昨夜已淋漓賴此沉潛繼我坐
勤政殿時正理庶事理畢宣引見濕衣亦同慰

御園雨中泛舟

嘉霽濛濛勢未休疇咨罷試進輕舟天光水態一匹練
了識梭因玉女投

樹葉欲黃竹筍闌農無暇灌澆勤今朝一雨回生意
餘事還應為汝欣

分流都與漑苗畝畧淺池波何礙諸密注紛投剛半日
漾船水誌已如初

文徵明仿董源筆意

飄然巾袖坐崖巔明月松間石上泉恰是右丞得句候
寧惟北苑借神傳

詣

暢春園問

皇太后安

望雨予心切相關

聖母同幸因霑渥澤可以慰

慈宮砌草濃含露池荷細引風敞軒宜

夏清集鳳

聖母所居軒名

有菱桐

討源書屋

道與心寧二由來本一源返身非外討為學戒多言窓

納曉颼爽池增新漲痕

起居餘此憩咨政細疇論

昆明湖上作

勅政掄材還有暇
昆明咫尺試臨諸
依然水木清華處
不到忽過兩月餘

盱宵望雨深憂切
雨足散上聲懷臨碧湖豆町去聲稻塍蘇

綠意思量憂實未予孤

闢湖蓄水圖灌溉
水誌虧來二尺過
不誤耕疇徐長上聲

足吾寧惟是賞煙波

隄西水闕將斷港
未可沙棠徑進航
灌輸去聲稻田追旱

候便遲遊興正何妨

題玉瀾堂

迤邐沿隄步輦行書堂小坐俯昆明階高水落害誠小
渠引田澆利實宏無礙蒲盧原勃長有欣鳬雁亦和鳴
玉瀾頗藉斯瀍滌望久焦勞意未平

藕香榭

一二含苞始欲開水中卉亦望霖哉情知雨後向榮速
囑慢芳菲待再來

無盡意軒作

湖弗改拖白山則喜濯翠兩月未曾臨春夏景頓異雲
依遠嶺生露向深林墜一雨如此美向憂豈虛置再霈
當益善是予無盡意

聽鸛館戲題

綠樹濃陰高下披栗留北去已多時夏初春末愁中過
山館輸他獨聽鸛

石舫

水深亦不浮水淺無妨泊是謂大自在亭屯視總漠渚
時有鷺遊波時有魚躍壘延納風窓陰護遮曦幕几淨
簞還涼拈毫興堪託向來憂欣懷畢竟為何若

味閒齋

望雨憂勞春夏間雨露今日略心閒瞿然自咎此言失
一念幾微敬怠闕

清可軒

山陰孰最勝文軒號清可前臨壑誅蕩背倚壁嵯峨靈

氣所孕育奇卉繡婀娜經旱如故然久視自茂妥道人
應此居速證地仙果然各有攸宜斯實未宜我

袖嵐書屋

屋據崇椒上綠陰樹繞之密踈不礙望位置正相宜遍
野耕鋤急趁閒藻筆攜西山來爽氣襟袖恰斯披

翠籟亭口號

翠樹因風細籟披仙家何處洞簫吹亦緣得雨斯佳耳
昨設聽之正蹙眉

雲繪軒

雨足土既潤山雲出亦易蒼蔚鋪滿谷
寫楹更帶砌樸軒構其間雲與為繪事
於澤弗辭多復雨農誠利所希膚寸合
匪慕八伯瑞

澹寧堂

山蓋寧為性水惟澹是宗題楣得佳譬
即境足清供荷態紅猶淺林光綠正濃
所逢都愜意愜以罷愁農

清琴峽

湖水雖增猶覺微
醲流出峽尚依韋
橫琴膝上如相譜
動操應知在徵徽

題蔣廷錫寫生花卉冊

芝蘭綠竹

芝乃朵擎一蘭則花開二其旁幾個竹三壽作朋譬

廷錫

題自如與善人居又惟君子厠雖頌不忘規斯豈僅繪事

桃柳

一枝春色桃花妍
幾縷風情柳絲度
紅兮綠兮軟軟翻

豈必千林與萬樹壺中日月筆上仙誰道韶光縮不住

菜

非復雪溪法

內府所藏錢選三蔬圖以工秀勝而沈周畫菜則潑墨為之此幅寫生蓋法啟南而

非仿舜舉也

是仿石田真蔚然秀而野堪為菘傳神知味自

殊他曾咬其根人

牡丹

花中誰可號先施玉局詩曾彷彿知鏤葉琢英他不藉

亂頭粗服此為宜

蓮

羞與百花羣根從碧沼分質清都不染香淨若堪聞弄
影常臨鏡披衣便入雲仙壺無畫史寫照此猶欣

葵

傾陽葵本性而葵自不知取以相譬者寧非屬有為

秋海棠

春海棠雨中似浴華清池秋海棠夜半長生殿裏時故
知秋意勝春意易為工喜難工悲嫋嫋金風玉露下箇

中三昧當屬誰

桂

老幹欲合抱嫩英纔幾穗濃淡有權衡色香無邊際一

枝壓羣芳

廷錫
自題

寫應具別意

菊

秋英種亦繁殿後者惟菊所以隱逸人愛之寄高躅賦

色襍紫朱綴景間

去聲

青綠豈不增塤置寓意得神獨

山茶

與茶同號無茶用却有紅花照日暹謾議中看不中飲
從來稱美兩難兼

水仙

幾葉雅宜逸態數朶足映清波便是當年子固

趙孟堅善畫水

仙以繁密勝此幅寫生數筆尤得簡逸之致

細描未免傷多

梅

寫生襟卉成已丑殿以雪梅意應有組錦錯繡孰非花
傲雪凌冬問能否六十餘年筆墨新信哉安得如汝壽

誰知爾日貌梅人原是後來調梅手

火浣布

聞有火浣布出蜀越舊廳取視勅督臣隨獻言情形番
地五蠻山草根石縫生又號不朽木其性純陰精績以
織為布窮簷日用恒油漬或致污投火烈焰明焰息布
如洗因以數段呈試之如所言火浣誠副名初非奇特
物未見斯疑驚者薄爾雅疏爾雅火龜疏去扶南東萬
里有者薄國復五千里許
有火山國火中白鼠時出山邊求食人捕得
之以毛作布名火浣布按火鼠即火龜也
大秦漢書

評

漢書西域傳大
秦國有火浣布

艷稱異域珍耳食傳虛聲

溪亭對雨

閏五月
初八日

肩輿湖岸聊問景西北油雲過午生列缺豐隆都技癢
一時急靈遂盆傾

恰欣避雨坐溪亭豎瀟橫排接杳冥六律五音大合樂
便教韶護不思聽

雨後新耕逮已畢繼霑喜此正宜農坐觀靈靈霖霖勢
益欣慰因益敬恭

風吹萬點似飛珠宜聽宜觀有是乎曲岸長堤紛落瀑

片時水誌長

上聲平湖

詠古玉碗托子

圓如壁有足承之置器何愁覆餗為土浸久成粟蒸色
石攻後異草垂時不辭一旦絮城出似恨當年玉碗離
淨几原堪作珍玩曾經誰玩亦堪思

題藏經紙扇

吉雲片羽遺金粟柄以和闐美玉為妙諦清詞兩無似

擬將落筆又遲遲

東園觀稼

東園茲弗到兩月還有餘祇以愁望霖問景心那舒邇
來沐

昊貺涸壤均霑濡未耕者已耕已耕助長如乘閒一命
遊亦因觀菑畲麥收固不豐其他胥回蘇芄芄連綠野
禾黍香風梳此後祝時若原可西成圖然為期正遙朏
念敢懈予

題德生軒

大德曰生貫四時即斯天地可因知試看蘇槁及起萎
都在雲行與雨施鳥喜託枝陰滿樹魚辭濡沫水增池
一心萬物寧相異也覺含滋發藻思

花韻軒戲成

津瀛迴蹕便愁雨花韻憑軒玩幾曾詎是主人慣孤負
不相應有大相應

對雲樓

背嶺峙喬松童童百年外凌霄有奇狀舞風弗定態因
以雲為名樓日與雲對西山亦作雲呼吸通靈黷再雨
當益佳無厭平聲我為最

松簧館

虬枝過雨蔚濃青兩月餘纔一憩停自是仙家八琅樂
豈教容易亟來聽

觀疇樓

層樓俯平野可以閱菑畬麥收成歉黍禾生意舒漢

灤含露潤冉冉受風徐却是三秋遠慰餘益惕予

竹淨室

新筍纔看綠葉披果然竹淨納涼宜吟風自叶雲門韻
何必洞簫裁去吹

如園

南北臨衢各築垣過來複道便如園有泉有竹清幽致

曰室曰齋淳樸敦境寓中山遙古蹟

江寧藩司署中瞻園即明中山王徐

達西園之舊是園規制畧倣之

石移西嶺近雲根邇方小得心懷暢景

對南薰略可論

敦素堂

散步進如園書堂敞網軒偶然觀四詠

曾為敦素堂四詠書粘壁間

豈必在千言樹色皆含潤蟬聲不礙喧階前一池水素色亦相敦

挹泉榭

牆外平湖鋪若鏡引流曲折到階前設非快雨新波漲應笑空來此挹泉

靜虛齋

惟虛靜以生惟靜虛斯受四時無不宜而最宜夏候叶
佳蔭鋪空庭清風入踈牖五明底藉揮三庚頗可守白
傳畧知津往往出吟口

靜蓮齋

齋前本無池無池安得蓮然則奚名齋寓意有取焉芳
葩植鉞中奇峯聳庭前曰假假固非謂真真實然此
非了義半提詎提全繡佛供花龕貝葉貯珠編時偶值

幾暇淨几幾

上聲

頁翻可以空五蘊可以息萬緣靜乃在

斯乎青蓮口所宣

題漢玉璜

半壁峯山璞玉人追琢良千年出鼠朴丙夜射虹光細
理入毫髮奇紋隱混茫衡牙如飾步聲發中去聲宮商

其二

希世見良琛因之一再吟有形擬天半無物象冬深執
不男與子閱經古及今驚肪原截白變赤嘆寢尋

王紱密樹層巒

長林崇巘蒼蒼樂飢可賦泌洋撫觀不無後議何事艷

稱玉堂

紱自識畫於翰林院之寓館故戲及之

夜雨

閏五月初十日

雲生風靜未鳴霆入夜欣重細雨零雖是異前倚檐望
仍教對此屬窓聽不徐不疾中宵霈既渥既優過午停
足矣時暘當益好喜看霽朗遠山青

泛月

快雨還欣朗霽佳籌農今日畧開懷上弦初過輪將滿
畫舫隄傍早候排

水面風來遞爽涼開舟猶自帶斜陽沿洄幾曲下春落
玉魄天中漸佈光

暮色西山隱翠螺銀蟾容與漾金波欲知閏夏相應平聲
處泛月饒他一度多

宴坐齋中偶爾成詠

歲月堂堂忽六旬書窓昔日憶脩身宵衣旰食茲誰代

夕惕朝乾切已頻大率懶為高興事不期喜用長上聲年
人金剛不住念深契却住勤民一念真

詠金剛二事

一如

如是金剛祇一如脩行降伏住無餘出是經住譯因羅

什為六喻鳩摩羅什所譯本以夢傳自留支以九書留支

所譯本有夢幻泡影露電而無影又益以星翳燈雲四者而為九會得色空皆不著了知

相好亦虛譽那羅延固無多子但涉語言已失諸

一相

世界微塵多不多於斯欲說說云何我人相壽者相

衆生相幻非相是相離諸相實相亦訛二語槩括經中離相寂滅分內

語曰色色曾具體否謂空空詎泯形麼文殊問處天花落祇有維摩未著魔

題錢維城四季花卉冊

梅花

春花試問孰宜先冒雪寒梅春信傳高士美人擬猶失

祇應呼是地行仙

絳桃

杏前梅後綻芳葩
訝看連林幕絳霞
老杜無端議輕薄
似忘詩詠灼其華

朱藤

或依喬樹或援架
一例盈盈寶穗垂
莫漫評量無骨力
世間艷物率如斯

貼梗海棠

朵朵繁開貼梗紅細香可惜欠吹風分明幾尺珊瑚樹
如意難揮笑石崇

刺縻

狀似玫瑰色正黃灌生牆角與階傍底訾鈎鋸艱寒秀
衛足寧輸葵擅長

繡毬

團團簇簇是誰為百琲攢成一顆奇設使拋毬忝舍利
千紅萬紫莫如斯

含笑

喜則破顏愁則顰莫愁寧喜對芳春
若詢含笑笑何事
似為去聲當花著句人

金雀

嬈嬈枝頭若不勝輕風披拂儼飛騰
六根雖具無用處
此是如來最上乘

紫躑躅

仙客翩然玉京下高低紅映石巖排
曾聞望帝春深託

不讓蜀禽識怨懷

芍藥

祇以冶容稱倬約不妨沒骨倚闌干身名早入風人詠
何事花王讓牡丹

玫瑰

火齊為花麝作香枝頭紅日射焜煌嵩山碧朵天台白
賦色何曾定有常

罌粟

開到米囊春欲殘不供實用祇供觀笑他罌裏雖盛粟
那與貧人作一餐

右春花十二種

渥丹

無須千葉炫淮揚六瓣連珠也自芳設使澤顏擬君子
終南還切戒秦襄

翠梅

枝頭五出翠花開莫訝無端名竊梅此際累累青子熟

脆鏗牙齒頗同哉

金絲桃

疑是拈來示迦舍花鬚花瓣染黃金江南塞北開無間
去悟得如來平等心

百合花

香如百和根百合郁郁重重結未闌七佛偈中明說盡
悟因容易解因難

石榴

似燈花不垂蠟淚曰火木非成炭灰已覺桃源失著相

去東山何事又重儻

方輿勝覽載唐永泰中樵者藍超因逐白鹿入閩縣東山榴花洞主

翁自稱避秦人與榴花一枝而出再往不知所所在云云其叙次直襲桃花源但為榴花增一故事耳

石竹

真竹堅貞無石號花稱竹併石為名莫嫌芳譜失顛倒
萬事如斯鮮定評

柳穿魚

粉紅花穗似蘋魚葉若垂楊上貫諸緣木誰云求不得

便嬛善釣祇虛譽

萱花

四季雖花夏獨饒金英焜爛葉飄蕭人心轉物豈物轉

詩喜堯臣

梅

見特超

金銀花

黃白枝頭相間

去聲

垂伏疏制永有靈竒設如王衍花間

立阿堵應同概屏

上聲

之

茉莉

明珠朶似蚌呈胎香與色都不讓梅底事犁然判高下
為他弗向雪中開

滴滴金

點注誰教金滴滴可能實用濟單貧黃花便是開如菊
知定難欺栗里人

凌霄

翠蔓朱華孌孌柔陸離搖曳足風流饒伊縱有凌霄志
不附喬柯嘆末由

右夏花十二種

秋葵

秋葵朝夕解傾陽宗奭明言別種詳

按冠宗奭云秋葵與蜀葵別種非蜀

葵中黃色者

若說蜀中黃者是其人擬合子瞻當

紫薇

穠姿輕態綴枝斜舞學鷺鴻披暈霞何事中書竟改號
唐家人物忒耽花

建蘭

訝似左徒句改常

楚辭春蘭兮秋菊李時珍曰生近處者春花生福建者秋花

却看

閩嶠有奇芳秋中每共荔支到

每歲秋中福建貢荔支因便進建蘭數盆

慰

齒甘輸撲鼻香

秋紗

即剪紅紗也

砌角牆邊趣竅殊盈盈常湛露華濡香閨省識秋風到
預剪紅紗製五銖

秋海棠

木根草本不同流誰把楊妃判與秋似是樂天露消息

依然委地玉搔頭

藍雀

無情無苦有情癡
草卉無心雀有知
開謝適然原自得
比方翼者又何為

錦葵

淡紫深紅麗蕊繁
開時頗足張

去聲

秋園如收應憶人

戒況我所司風化原

萬壽菊

花大如盃金作色
瀼瀼瑞露湛瓊卮
設云擬獻南山壽
未識華封堯所辭

紫茉莉

茉莉名同香乃遜
點脣花傳面子助粧
嬌白猶半得梅之
色至紫堪嗤去益
遙

桂花

色香比似此花無
一穗一枝儘不孤
何事白家癡少傅
還思月府種雙株

菊

黃花開矣秋臨九數上聲典東籬作美談祇恐淵明應暗

笑被人屢舉轉難堪

芙蓉

一株照影碧江濱不是東家漫學��試看盈盈脉脉際
分明當日浣紗人

右秋花十二種

長春

開花四季號長春疊出鮮葩月月新
默對芳叢思致語
可當不太費精神

紫蘭

南開冬季北開夏月令公評定孰徵幽客設如為釋子
知他應是紫衣僧

枇杷花

白花如雪雪中放竟與梅香讓不多

高啓見枇杷詩落葉空林忽有香疎

花吹雪過東牆

嘉甫

張

一時徵故事却教詭辨發東坡

見冷齋夜話

山茶

玉茗名因葉類茶凌風傲雪
擗枝斜瓊漿滿貯瑪瑙椀
分付裴航認莫差

水仙

白石邊傍綠水隈玉人繖
綃月明來淡粧合是江妃稱
去得號緣何却屬梅聲

瑞香

麝作輕囊雲作窩柔枝不勝
體婆娑比丘設謂聞香得

見清
異錄
應是無端墮睡魔

金盞

四時恒見有花開
酒盞偏饒醒酒材
合贈孤山林處士
月明斟滿酌寒梅

山礬

雪為花色晚春妍
伯仲寒梅及水仙
未達黃家比物意

直稱冬卉豈其然

本草云山礬三月開花繁白如雪春風堂隨筆稱南歸見堂下有海桐花

即山礬也因憶山谷賦水仙云山礬是弟梅是兄但白花爾却有歲寒之意觀此則山礬實開於深春而非冬

花黃庭堅亦第以色白
相比喻非與梅同時也

蠟梅

色欠晶明香郁烈寒英衝臘滿枝芳羶薌問自伊誰始

彷彿其人亦姓黃

王直方詩話云蠟梅山谷初見
之戲作二絕緣此盛於京師

探春

品格丁香頗相似羸他朔節放花仍東皇消息誰探得
捷報羣芳屬爾能

迎春

探得春來春復迎
花於春亦特多情
謂他不必爭時刻
會見欄前紅雨并

雪蕉天竺

天竺冬蕉相間

去聲

斜珊珠瓊葉雪交加
漫嫌看到無花

處白白紅紅正是花

右冬花十二種

熱

寒暑運四時
夏炎庸可少
三日未作雨
赫騰朱日皦
土

潤歎益蒸微風靜林表壽農實覺宜助長

上期萬寶撫聲

民塵宛暘寧無怨咨抱傷晚山吐雲復雨誠復好一洗

鬱陶威書史暇探討

夜雨

閏五月望日

熱甚思量一雨湔晚雲靄靄吐遙天素娥隱現未孤閏

列缺飛騰旋

去聲

倒泉五日期真合符節

常謂五風十雨其常也暑候即

五日一雨更稱時若

中宵霈益響簷椽盪蒸流爽須臾耳高枕紗

衾宜是綿

和聞玉漁翁

于思貌亦醉漁如捕得修鱗
籃納諸却是和聞河畔者
罷其撈玉乃撈魚

溪亭對雨

閏五月十六日

夜雨朝微間

去聲

暑雲辰更濃霏空時斷續作勢更春容

滌熱開清抱宜時利老農小民怨重塵無刻可忘恭

夜雨

閏五月十六日

自辰達酉作連陰足矣無需更膩霖入夜霈霽聞隔牖

數

上聲

更

平聲

展

轉

懶

安

衾

今

宵

仍

是

昨

宵

景

盼

雨

翻

為

畏

雨

心

未

必

三

農

如

此

切

莫

將

容

易

視

君

臨

喜晴

詰

旦

雨

已

微

卓

午

雲

遂

散

天

色

碧

於

藍

高

樹

蟬

聲

喚

雨

足

晴

實

佳

涼

風

拂

閣

殿

此

喜

同

農

夫

豈

僅

侍

臣

見

過

望

纔

一

夕

載

月

猶

堪

玩

晚晴落照

絮

雲

一

片

無

下

春

益

晃

朗

燭

燭

翻

樹

葉

流

麗

風

含

爽

漲

水亦云消平湖澄潏沅一以乘晚涼一以散鬱想遂命

漾筠舟

平安月鏡居以湘竹為舟屋

徐待月之上

詣

暢春園問

皇太后安作

昨夜雨誠大

慈恩免問安

十六日傳詰朝請皇太后差人止行謹遵

安因夜雨較大懿旨展緩

一
日
今晨晴更爽趨詣敬承

歡水殿夏宜清風疏浦正寬

康強綿福履錫類萬方觀

題鑑遠堂

勅政既已畢書屋別討源

問每理事

於此安退

輕雲復爽風昆

明景可論肩輿過石橋舊有溪堂存窓俯碧琉璃潏灩
波微翻循名思責實寧因玩潺湲近或有所蔽鑑遠豈

易言

望蟾閣

名曰望蟾閣從無試眺眸閣在昆明湖上曉輪權當夕

曉月偶一二遇向亦有詩

夏日爽如秋興寄白榆宇製規黃鶴樓是閣

製如武昌黃鶴樓

設云武昌是崔句孰能儔

澹會軒口號

四面湖光中水居虛明澄照印如如既云澹矣於何會
心不波時趣有餘

景明樓

水誌昆明足蘭舟處處通隄形亘南北湖色界西東雲

榭欲臨彼鏡樓恰在中徘徊因易舫遂渡芰荷叢

睇佳榭

昆明水長祇旬餘到處鳴榔可泛諸却又愁多不愁少
人情無定竟奚如

湖西南角有佳處巖榭睇佳因以名波態嵐光斯合會
今年問景乃初行

千重水樹入鏡鑑幾疊雲峯標畫圖兩兩三三船續到

不殊蕉石望明湖

是庵亭臺規仿西湖蕉石鳴琴為之

暢觀堂

巖堂據崇頂向遠攬虛明氣接西山爽水臨北渚清雲霞歸岫澹荷芰映波滌底事為觀暢雨暘近適平

懷新書屋

書屋窓向西稻田凡數頃雨潤日暄之芄蔚簇新穎迴思望澤時日夜心耿耿既霑復慮多盼霽仍怲怲即今晴實佳額手稍徼幸然豈敢自娛三秋待猶永書屋付不知漠然虛以靜

玉帶橋

長隄雖不姓髯蘇玉帶依然橋樣摹
盪漿過來忽失笑笑斯著相學西湖

水村居

幾家連郭外一水到門前
左右雞豚社高低黍稻田
可因驗民計益切祝豐年
茅土風猶在小停著繫船

詠痕都斯坦白玉盃

痕都撈玉出河濱
水磨去聲磨平聲成製絕倫
百辦細攢穩

承足雙葩夾輔巧持脣瓊瑤自古來西域精緻而今勝
玉人不以飲醪以啜茗戒哉惡旨久書紳

盃圓而橢口四出趺攢菊英下圍敷葉十二左右長
葉各一上出及盃脣稍外偃復有兩花下垂承以短
葉可用執玉既瑩淨製薄如紙良材巧琢非中土玉
工所能彷彿也

題憚壽平臨各家畫冊

慈竹慈鴉

范寬

慈竹叢生伯仲扶更看傍晚集慈烏怡情花鳥將山水
寓意何如此善乎

柳堤春牧

惠崇

蘸影輕黃上柳絲綠蕪新水牧場宜村童卧背眠方熟
牛瘦春忙正不知

晴巒暖翠

黃公望

平遠山根浸水湄暖烘日色翠含滋林巒豈必規規倣
却是精神入大癡

雲生泉湧

趙孟頫

山出浮雲幻晦晴
泉垂絕澗闐然鳴
高人對坐相評較
山色泉音一體清

碧山雨意

高克恭

直矗矗春山濯翠鬟
漲增春水瀉潺湲
泉聲却禱雨聲落
難與分疏是此間

江山勝覽

趙伯駒

倚巖高閣俯長流
江面風帆來往舟
記得金陵永濟寺

寺樓縱目作清遊

小赤壁圖

董其昌

松江何不可黃州大小應齊莊氏周恰是香光賦詩處
漫疑玉局作詞遊

花溪月影

李唐

微雲輕籟晚昏黃澹沱平湖進野航月影溪聲留不住
雅宜如是閱花光

叢筍玉碧澗


管道昇

野竹流泉落瀑音
叢篁夾徑翠森森
小亭石畔人蹤絕
作者應知寓意深

溪山積素

李成

雪霽東山素尚凝
清溪一棹泛空澄
伊人耐冷非無謂
鍊得精神朗似冰



御製詩三集卷九十

欽定四庫全書

集部

御製詩三集卷九十二

詳校官侍郎_臣謝墉

助教_臣常循履勘

總校官原任中允_臣王燕緒

校對官中書_臣潘奕嵩

謄錄監生_臣陳山焜

欽定四庫全書

御製詩三集卷九十一

古今體一百五十六首

庚寅七

西直門外作

視朝還紫禁
趨曉命輕輿
雨澤幸及節
田功觀改初
煙郊歷沃若
綠隴總芄如
却念西成遠
心懷敢即舒

小憩鏡清齋有詠

溪齋液池邊
路便一臨憩
階南琳池澄
檐北石泉翳
常

時艱致水雨後胥增勢風度樹陰涼露湛花光麗適可
小徘徊幾暇無多事

韻琴齋

上源水既足假山泉各湧曲流灑階前激石活汙溶其
音中宮商而殊金石種似是七絃調又非指鼓動一雨
衆美具坐聽娛心孔

焙茶塢

貢來龍井雨前茅焙法南方精且嘉荷葉晶晶滿擎露

收將耐可淪新茶

罨畫軒戲題

巖軒恒在斯一歲一二至至則畫罨前四時景各異氣
韻復生動似勝石渠秘知然而弗然自笑殊多事

題畫舫齋

北岸別鏡清東岸至畫舫相去雖不遙犁然殊景況鏡
取池之清舫喻室之狀而皆有資水其勝各弗讓得泊
斯為佳豈必試風浪

鏡香室

齋正室則廂原臨一池上曉日照芙蓉其香鏡中颺露
葉珠光擎風葩霞影漾鼻根既已清心所亦因暢設擬對

齋展畫是周昉障

畫禪室所藏名畫蒼珍冊有周昉紈扇圖寫蓮塘景特妙

古柯庭

葉齊鋪得滿庭陰翠榦稜稜尚鬱森四百餘年風月異
老柯猶識古人心

得性軒有會

天命之謂性性實得於天人孰不具之失多鮮或全克
已復禮為復豈由外焉借鏡以循名吾謂非本然然則
如之何率修願勉旃

奧曠室

入幽得廓意怡然七字成章便向前几席清涼筆硯潔
笑斯曾未久周旋

養心殿晚坐效白居易體

都京億萬戶煙火從來盛紫禁雖九重自當炎夏令未

如御園中水木實清淨視朝縱循儀一端示勤政避炎而弗行豈曰持躬敬宮牆日影落殿角風來競五明詎藉揮三幡頗堪證白傳亦有言涼乃生心定心定更幾暇遂因試理詠

漢玉穀璧

周官周禮制曾遺後世稱珍概漢之我獨畢然緬姬室措刑黼飾太平時

自高梁橋泛舟由長河迴御園即景

太和曉日視朝迴
趁爽長河盡舫開
拍岸盈隄漲水足
溯游鮮值自茲來

治園樂善路經過
倒影樓臺寫碧波
遮莫泊舟尋柳逕
繕營欲笑向緣何

廣源閘隔水高低
那畔蘭舟傍岸移
易舫川途還便進

不須白業訪招提

萬壽寺即枕長河岸邊

繡漪橋入即昆明
淼淼波光鏡浦平
却是水華亦需澤
香霞過雨總舒榮

鳳皇墩峙水中央
檐際波翻漱灩光
屈指三年未經入
主人自問有何忙

到岸輕輿返御園
有誰章奏候金門
沿緣半晌足遊目
過此應非敬所存

夜雨

閏五月
廿八日

快晴已多日
嘉霽喜依旬
作勢悠揚備
聽聲踈密輪
滌炎隔牖遠
送爽攬衾頻
翻覺難成寐
思他咨怨人

喜晴

朝來還密霏午過遂開晴似此如人意真舒望歲情
風花香送峭曦葉影含晶敢曰心斯慰益因敬畏生

恭奉

皇太后御園賞荷即景成什

邇來時雨復時暘略可農祥慰

壽康

鳳睂沿觀岸禾茂象筵張對水華芳庭心曦影全無暑
浦面霞光却有香歲歲承

歡如一日十千為日歲同長

詠檀玉蓮朶如意

比德皆君子亭亭自葆光看來本同色嗅去若生香說

已聞茂叔揮曾詠潁陽問宜何處置宜是芰荷鄉

御園中每

歲恭奉

聖母賞荷處

溪亭對雨

六月初二日

侍

膳觀荷歷晚飧

鳳舟恭送返前園溪亭間坐避炎暑西北雲生遠宇昏
礪磧光飛霹靂鳴湏臾峽倒復盆傾向時酷熱驅何處
頓欲添衣涼氣迎

連日時陰復時霽豐隆作勢意猶酣晚來陣雨淨收去
蟬螀拖開天蔚藍

風

赤夏熱其常雨後風含爽碧天無纖雲高曝金烏晃仙
籞既清澄文軒復朗敞盆卉各搖芳庭樹紛遽響桃笙

流四筵葛襟披五兩與共散鬱陶茂對欣長養

盆荷

盆中種藕根出葉亦田田水弗幾寸深波無數尺圓不染性原同益清花猶鮮下可遊錦魚高詎藏蒼鳶相看傲平湖何慮採蓮船

甌松

黃山多奇松其種聲上不足賈客移之甌船載他方鬻柯以數尺計概有凌雲局根以數歲植貌有千年樸大

似方朔窺王母小兒目

夏日池上居

池上偏宜夏日居，漏長高閣適幾餘。
略欣時雨時暘候，敢忘曰明曰旦初。
隱几那教夢栩栩，憑窓便可數游魚。
芸編豈必搜奇衍，二典三謨足起予。

上聲

抱樸草堂

逕入竹籬曲，堂逢茆舍開。
樸欣無與比，趣以不頻來。
嘉蔭當庭直，閒花傍砌隈。
几間供筆硯，得句便言迴。

綰春軒口號

百尺垂絲綠影鋪
敞軒迨暑坐斯須
忽然擬向長條問
流水春光綰得無

解慍書屋

順則惟堯時解慍
惟舜代相去未百年
弗順而慍逮大禹
遂泣辜風日下堪慍
爾時至於今復四千
餘載解慍詎易言
披薰慍以慨

豁如堂

軒窓䟽朗喜薰披花露盈盈香滿墀
悅目賞心寧在此
大公順應絜於斯

樂性齋

萬物皆具性惟人最靈矣近乃性斯率遠或情所使返
遠而合近得樂性無比固亦匪外來其目戒非禮顏齋
當銘盤永言玩厥旨

芥舟

水中亭子小而幽喻物名之曰芥舟舟已非舟芥豈芥

兩忘離即幻隨流

御湖雨泛

六月初八日

已喜宜暘數日晴
遠天蒼蔚暑雲生
西風送雨連波立
盡展瀟湘片刻成

急點繁珠挾八音
聲難為譜色難吟
曲池大有江南意
舟泛山塘虎阜尋

繪雨山房

在北遠山村

山村久不到
乘閒一泛船
夏雲挾雨來
須臾天水連
山

房可憩坐據床眄飛煙岸樹既迷離庭草蓋芊綿許詩
景畢肖米畫神都傳猶欲問顛翁似此恐未然

耕雲堂

山堂近北牆俯視見牆外牆外復何有水田橫一帶綠
雲蔚芄芄怒長上聲雨既霈耕耘忙農夫胼胝力誠憊所
以廬祈年斯實苦之最

晴望樓

雨既優霑宜是晴高樓縱目愜予情禾風黍露搖晶朗

金匱山房集卷九十一
嘉興三農望阜成

題和闐玉桃源圖

是圖刻漁人始捨舟入洞口未見秦人意

舟自溪源捨逕從洞口尋行行初極狹去去欲窮深屋
舍猶未見仙凡覺異音淵明當擱筆五字作何吟

題方琮山水

蒼環復翠羅喬樹好音多是處誠天宇誰家此碩邁涼
聲泛仙籟素色落飛波獨上高樓者知他意屬何

夜雨

六月初十日

晚熱既過甚夜雨知必然夢醒纔二更響聽垂簷泉時
行正斯際三朝晴已連霽霈諒無妨未免心畧懸心懸
匪為他所為塵農田

喜晴

曰旦起披衣佇立望天宇潤氣濕襟袖密雲喜不雨既
而雲散風既而日朗午變陰漸爽涼雖炎非溽暑遙想
田疇間炙背欣農父

泛月

碧宇無纖雲夕陽高樹晃對時豁鬱蒸吾心亦舒昶清
風既滿湖下春漸隱榜過弦月在午揚輝煥晶朗徘徊
欲入懷擬議難成象百層紫金塔橫卧波沆瀣如是從
誰聞華嚴大方廣

月宇襍詠

新月

夜明三日見哉生碧漢寥寥湊朗晴雖是西傾倏飛下

迎人意已幾分清

弦月

漸移東向漸光明
弓樣還疑羿待抨
竊藥奔來千萬載
似猶迴顧未忘情

望月

日日看來忽就圓
問誰能解是因緣
玉輪解以初無識
如是虧盈任轉旋

湖月

御湖圍廓尋常識入夕冥冥頓覺遙俯察仰觀非二體
欲伸手掬鏡璇霄

溪月

一條銀線繫珠浮遂與沿緣試泛舟湖水宜寬溪豈窄
絕無揀擇祇隨流

瀑月

飛泉飛月兩參差至動中全至靜期輞水淪漣光上下
却殊摩詰作書時

松月

倚巖老幹自槎枒
隔浦看來遠亦嘉
却入一九金彈子
離襟驚起露棲鴉

竹月

舟過竹埭且教停
散玉搖金無定形
說偈何須叅指上
一時息慮合清冥

荷月

香風拂拂面前過
俛視船行過浦荷
底是夜來花盡飲

梵經荷花見日而放
見月而歛試之果然
水仙應是女姮娥

舟月

舟行岸轉鎮相隨
左右有之無不宜
放眼青天寰海外
乘桴詎止木蘭斯

岸月

湖遊罷亦泛溪迴
近岸低看樹影暄
乍聽蛩吟出草際
秋聲誰使逼人來

齋月

徘徊月宇薄言歸開著雲窓暎碧幃小試清歡太康戒
敢忘粥粥此宵衣

陣雨

六月十二日

陣雨飛來疾毆炎正可人樓臺都湧海世界忽成銀蟬
靜柳樹杪鳬藏蓮葉津在東拖蟬螭霽景又從新

過青龍橋二首

昨晚陣雨灑今晨料爽涼因教動清蹕名境攬煙光迤
邐石橋過盤迴村路長黍高及稻下左右閱農忙

橋下建閘版昆明之尾閭專員司啟閉

青龍橋建閘為昆明湖尾閭之

泄專派大員董其事視水誌盈縮以為節宣

節制視盈虛前月漲消矣

閏月十六

夜雨勢稍大山水挾潦驟注湖波拍隄因勅盡啟青龍閘版盛漲頓消大得設閘之利

歸墟竟涸

如從茲願時若豐屢庶歌諸

季夏玉泉山靜明園作

數去聲

月曾無臨靜明邇來時雨復時晴趁斯暇矣略遊

目亦欲因之紓鬱情興過柳陰風送爽座依花處露灑

晶溪亭瀟落晚餐罷章奏批翻自勵精

飛雲峴

春雲來好秋去好因識人心曷有常
邇雨慮多無慮少
便全飛淨正何妨

乘輿至玉泉山頂

晚涼適可遊山色沉青好玉峯雖不高於此自超杪
肩輿遵石棧蘿徑殊窈窕十步廿步憩憩即暢吟眺
叶已
逸忘人勞夫豈怨之道

麗鵬軒

雲軒玉峯頂高每不常來至必暫為憇果然清足陪一篇詩句就幾點漏聲催石砌柏拱把柏子落石自生不數年皆拱把矣流陰信迅哉

晷畫窓

納遠虛窓縱目殊寧闕山水供去聲清娛黍稷下綠雲

蔚勝展程家耕作圖

內府有程榮摹樓璘耕作圖卷寫田家景事畢肖今與所繪蠶織圖

并鉤刻耕織圖迴廊

靜益書屋

凡有可益者是動應非靜既靜既曰益其趣如何領譬
若水與波波原水堪省又若空與色各具質所秉色可
益可損空則損益屏不益益之最於斯意為永

賞遇樓

陟嶺緣西降嶺陰即漸長潤行蘭埒露爽趁柏風涼岡
脚臨斜落樓頭別一方如詢賞奚遇大野朗晴光

開錦齋

背倚石崖聳面臨湖水流翻光呈俯目縵綵見檯頭機

杼夫誰設文章不費修四時花似錦詎獨擅於秋

夜雨

六月十四日

隔日雨零宵擬聲度漏迨已知膏_{去聲}禾黍却厭聽芭蕉

衾攬涼颯沓軒披夜寂寥時哉適可止農況問明朝

午晴

曉起猶霏霏午間遂放曦似茲真幸矣吾益敬承之雲
向遙天歛風從高樹披瓦簷尚餘潤斷續露珠垂

立秋

六月十七日

逾閏節應早金秋中澣來天時惟敬奉農諺自籌裁細
雨五更落徂雲萬里開正當望晴候此亦足當哉農占以立
秋日宜雨而復晴為一秋時若之徵今日五更微雨向
曉即漸開霽既叶田家諺語且連日霖多得此尤足稱
快

題金廷標新秋景

襍卉朝來露氣溥却憐荷浦艷將殘高人似鶴立猶獨
童子鬪蛭圍欲團却喜蕉心展階側忽驚梧葉落林端
興懷正是新秋景觸目訝成古蹟看

熱

將謂已立秋縱熱不致甚詎知婪尾炎其力越歎愆陰
雨來無時濕氣鬱漉滲^叶晴霽放陽光蒸溽酷更審豈
無廣厦虜尚弗安衾枕念彼茅簷間民艱益廑朕

雨

六月廿一日

朗晴逾數日情知雨不妨以前霈既優雨即慮徬徨午
熱劇蒸雲焚絲合渺茫倏忽急陣催勢如傾呂梁炎威
避何所已自添衣裳披涼雖快哉籌農心為忙太過恐

致滂良苗愁商羊翹首望雲開時若祝宜暘

喜晴

夜雨聲已細曉雲勢遂歛扶桑燭陽光徂縷散荏苒縱
炎所弗辭惟虞蒸溽漸過午乃快霽嫩爽生席簟似此
設經旬西成庶幾覽

題董邦達新秋景

遙天雲歛露山光景物新秋報白藏高士似嫌餘暑在
風臨水閣受微涼

幾暇

幾暇寧無意適予問予意適事何如吟詩懶用新竒句
習字惟耽平易書稍喜風涼拂几席又看日影上階除
迅哉駒隙有如是學業於斯未信諸

詠漢玉穀璧

子曾執此誰曾執粟穀紛堆陳相聲入因未免一端思致
問果能可食濟飢人

西北風

邇雖弗雨每雲生西北風今始快晴爽氣頻鋪消溽濕
秋陽高曝麗晶明不周功詎寧容缺以散休惟時若呈
盼亦久哉逢亦喜迴思春月頃殊情

出

暢春園門自隄上至泉宗廟即景襍詠

清曉起居謁

壽萱

內

壽萱春永在

暢春園

皇太后所居齋額也

遂乘幾暇出園門水

田千畝都芄綠多少殷心箇裏存

暑雨全收快霽宜
豆苗稻穗曝秋曦
所經見固堪欣慰
未見還愁可若斯

沙隄宛轉栽桃柳
春仲經斯花未開
茂葉長條忽爾許
流陰五月倏過哉

肩輿輕拂曉風涼
泉上祠無六里強

自暢春園至泉宗廟止五里餘最

是新秋澄爽氣暫教停蹕賞煙光

題扇淳室

初自園門進便為扇式房誰能此揮搖

去聲

已是覺清涼

戶外曉風入階前秋卉芳箴文懷蘊古

張蘊古大寶箴
云扇以淳風

祇益愧無遑

挹源書屋

數舉其多以萬言

泉宗廟建於萬泉莊

泉宗因識此為源心傳道

統寧殊此書屋曾因申著論

向作討源書屋
記曾申論此義

曙觀樓

層樓拾級披迎面爽風吹目與心俱豁境和景相入

聲宜

觀農意為

去聲

暢玩物志寧移海曙雲霞出襄陽句絕奇

向綠軒得句

幾架踈軒向綠開
致幽林曲與溪隈
含光相映不相妒
豈是藍青費品裁

依綠軒

嘉蔭四週圍書軒
敞牖扉研精二典
在多慙去聲五絃揮
喜近清秋爽行辭
燠夏威稻塍將作
穗可愛綠依依

秀舉樓詠假山石

何時來自洞庭濱

謂太湖洞庭山非楚之洞庭湖也

秀舉翩翩實可人

設使米顛驀相遇可無下拜敬如賓

輝淵榭

瀑泉飛落處攢擊成深淵雖深以至清藻葉可數上聲焉
日色相輝映綠玉枕金田憑榭偶屬目知妙難為詮

樂清館觀書得句

書館信可樂恰有清風引綈几置芸編隨地務時敏底
須研索邱語孟用不盡設詢即景句吾亦有所準了知
非伯夷惟當法伊尹

集遠堂

巖上書堂敞碧疏
遠山近水納無餘
一時遇目得清會
集遠由來在集虛

肩輿由萬泉隄至聖化寺

祠東迤邐至祠西
觸目成吟逐處題
剛報辰牌原有暇
祇園趁便重去聲尋蹊

拂面西風爽不涼
鱗塍萬疊蔚煙光
綠雲叢裏欲結穗
此際惟期時若暘

梵宇百年多古樹黃衣列候喇嘛僧金仙聖化誰能識
若論化民吾未能

精舍溪南別一區既來應到攬斯須板橋過去無多路
便覺湖山越樣殊

含醇堂

曲隄閒散步逕造讀書堂晝漏遲幾暇水風拂面涼已
欣饒夏節適可賞煙光仰首瞻

題額訓垂奕世長

得真齋戲題

我聞梵經云凡真皆屬妄已妄更求得是謂迷趨向溺者水之波圍者山之障歷歷面前陳何言胥幻狀如是以得真亦匪金仙謗

矚巖樓

敞座風前謝搖扇高樓水面朗開窓翠巖對峙堪延矚上下玉簪聯一雙

題羃翠軒

拱把梓桐苟欲生培成翠影慕軒楹愛身庸詎不若是
三復子輿慎所萌

襟嵐書屋

琳池有水全浸山瀟然書屋營其間左挹雲嵐以為袖
虛無動影如堪攀妙哉佳處莫過此不惟畫情實畫理
笑我坐曾弗暖席得句即行而已矣

林壑秋清圖題張鵬翀畫扇

展筮本因易舊字

舊存書畫有位置未愜者
輒為更易興到並成新咏

觀圖率與

發新哦疎疎却喜筆無俗漱漱疑披水有波何異南華

鵬翮號

對秋爽不殊北戶引風多失之當面珍已往自我

如斯邴怪他

處暑

邇日宜暘好今朝爽籟吹司天誠善步溽暑已全移蟲
韻添於向駒光監在茲晚來雖劇熱知復不多時

德勝門外作

逾月園居宜視朝清晨鳴蹕返宮寮經旬快霽行金令

喜看煙郊芄碩苗

蓄水因教濬闢池松林間更事修治

德勝門外舊有蒲塘數區今春濬治

寬深達於西直門以資引蓄灌溉並修松林
開玉河支流入城積水潭太液池皆資節宣略為紆道

觀工蕝拍岸新波漱碧漪

疊道修因來往人

舊時德勝門外至圓明園雨後輒泥
濘難行壬午冬發內府金集步軍執

役修築土道旁濬溝渠以疏汙潦
而便行旅並令司事者每歲查修渠消水亦利畊疇鳩

工並不驚閭里內府休嫌發帑頻

入安定門至

雍和宮瞻禮

邸第吾生長

上聲

今來忽六旬

昔年景頻憶先節敬應申

八月間慶賀禮繁
乘暇先至此瞻拜

砌下花新

錦庭前松老鱗緬懷趨

訓日黯爾獨傷神

養心殿晚坐

清秋入紫禁
日上彤疏熱縱餘波在時知大暑除欣
惟曝稼穡暇亦閱詩書七月豳風詠民艱每切予

高梁橋泛舟至樂善園

倚虹堂

在高梁橋側

畔候蘭舟盪槳清晨試溯流直進前菴

園未入小留今度景聊遊露濃花際猶湛日風颯林端
已報秋得句便教移舫去笑予何事類馳郵

題蘊真堂

溪堂綠水濱小坐便怡神花際風翻錦荷間露瀉銀昨
年渾欲忘去聲秋景又從新真蘊夫何在一心惟愛民

含清齋口號

一年幾度此經行便去何曾久暢情分付虛齋應好在
四時風月自含清

舟過萬壽寺

石閘廣源

閘名

過水高因易航須更經梵宇瀟落霽秋光不

必維鷁首由來識鴈堂門前僧跼候到點付評量

到即不點

點即不到語
出指月錄

進舟至萬壽山登陸

長河漾舫不多時湖入昆明潏沔披適可黃頭落風颿

去聲遂教青雀泊雲涯肩輿路便聊攬景點筆秋前恰啟
思底事對山饒逸興田功夾岸看來宜

惠山園

山左小園別一區亭臺全擬惠山圖今年問景猶初至
素節當秋覺益殊松自靜因風有韻石雖瘦以古為腴
詎闕境勝恒懷彼祇為去聲民親每縈吾

瑩心堂

惠山園北據巖堂堂下流泉泌且洋屬目瑩心清庶慮

因教數典學山莊

避暑山莊有瑩心堂茲仿名之

霽清軒

別嶂頗亦高有軒築其頂向北堪騁望綠雲迷萬頃習
習華黍風秋陽澄霽景始旱繼以潦數月憂恹恹弗災
且望收額手吾何幸

清琴峽

泉聲出峽較恒強映目為清入耳涼恰是昌黎能妙會
穎師琴韻變軒昂

七夕

依然七夕到那遇閨為遲虛說維山鶴誰知良日麋曝
衣雖劇熱引扇有清颼返樸吾恒願何須乞巧詩

洗車雨

邇日覺婪熱蒸為雨洗車晴來逾半月潤處利高畬誰

詠杜家句

見杜牧七夕詩又歲時禡
記七月八日雨曰洗車

惟籌農者書毆災

頃生爽對景意清舒

和閩玉關山行旅圖

和闐貢玉高逾尺土氣外黃內韞白量材就質鑿成圖

不作瓶罍與圭璧關山行旅繪廷標

圖稿金廷標所成

峯嶺疊

疊樹蕭蕭畫祇一面此八面圍觀悅目尤神超岳齒之
處路疑斷雲棧忽架接兩岸竿驢控馬致弗同跋涉艱
勞皆可按大蒙至此萬里餘圖中櫟括殆盡諸各有恒
情每庫彼不寶異物徒慙予

題楊大章秋景花卉

幾叢秋卉不論名跂脉蟲遊風露清却是寒蟬碧梧上

似愁即漸欲收聲

泛月有作

幾片秋雲傍晚徂過弦輪欲滿光鋪不炎復不涼侵體
耐可筠舟泛御湖

御湖秋孟不恒逢

常年每於七月啟程往避暑山莊

颯景欣茲覲面供

況值宵清幾復暇宣毫江硯得從容

從容碧宇彩流晶滿目寒光滿意清欲學青蓮一致問
當秋底事十分明

姚體倫蜻蜓紅蓼圖

幾穗紅珠照碧水一雙蜻蜓飛復止成形賦色誰所為
無過偶然相值耳明經爾時興會此了了寫意弗求似
徒觀蔌蔌點點中江上不覺秋風起

患失

子曰苟患失將無所不至為去聲臣者言萬古昭明義若
其為人君宜多患失事

天命與人心慎保恐或墜

祖功及

宗德謹守虞致棄九州幅員遙可展不可替庶政綱紀
存當修不當廢祈年兆雖佳未定越塵意一方即有收
尚願萬方備一歲即幸豐更冀綏屢

賜惠失斯已多得恒弗能遂為君信難哉永言誌吾思

雨

七月十一日

前朝雖小雨半月已佳晴優霏欣茲霈晚田滋彼萌作
停卓午過颯沓嫩涼生適可宜云止斯之每繫情

喜晴

徹夜密雲而不雨侵曉廉纖織空縷時踈時驟將作霖

月值三白恐符語

是月九宮值三白在下諺稱三白落地其月多雨

即今霽實

大宜農望見天衣薄過午旋薄旋看散以盡傍晚空澄

淨碧宇愁農自覺太慙懃是何言哉分

去聲吾所

西直門外作

邸第親臨緣視疾

和親王以病痢請告隨遣御醫診治茲聞所患增劇因入城臨第視之

輕輿復此返都城詠詩申志恒敦愛煮藥燃鬚太矯情

通鑑載薛王屬疾明皇親為煮藥火燕鬚因曰但使飲藥而愈鬚何足惜云云夫友愛貴合中庸之道煮藥豈無僕寺何必身親損鬚且亦何益於療治紀載家鋪張失實殊不足取向題養正圖曾闢正之

亞圓繁

疏滋宿雨芄阡華黍曝新晴築場納稼時猶未望歲殷殷益屏營

養心殿晚坐

歛盡秋雲祇碧天目依寥泬望澄鮮風來殿角吹衣表

日上

上聲

窓稜朗座邊幾度往還明未久誰知時節暗為

遷蟾光徐散琉璃瓦坐看輪匡欲就圓

臨和親王府第酌酒永言誌痛

視疾起居執手詢旋聞哀信達楓宸維屏維翰有為恃
斯邁斯征無更親弱質兒孫憐汝偕

高年妃母養

去聲

予申

裕貴太妃居宮中今年八十有
二自難慰遣予當代為申養以順

高年
之志

一朝喪弟兼賢輔自顧何心慶六旬

臨大學士忠勇公傅恒第賜酌酒

瘴徼方欣輿病迴侵尋辰尾頓增哀鞠躬盡瘁誠已矣
臨第寫悲有是哉千載不磨入南恨半塗乃奪濟川材

平生忠勇家聲繼汝子吾兒定教培

中元日放河燈

多向山莊度

每歲孟秋幸避暑山莊此日率於彼放河燈

御園今日逢了知

雨孤節却幸霽宜農

是日密雨至申逮酉即霽

駒隙迅如是鵲原覓

莫從河燈依例放未覺解無悰

題和闐玉前赤壁圖

壬戌泛舟遊挈賓清秋赤壁景鮮新成圖那藉琢磨巧
玉局原來玉樣人

早桂

月先

去聲

中秋月香殊他卉香隔年重挹韻幾穗早標芳

綠玉分來綠黃金鑄得黃臯途遞消息可許傲山莊

每年

中秋熱河亦有益桂然塞外風土究覺香色少遜耳

雨

七月十六日

夜陰曙落雨間

去聲

作勢未央滯雲東南來似此安窮長

五穀逕穎粟於時宜若暘屬我心弗怡益覺愁傍徨傍

晚幸開霽夕日輝霞光

眺爽樓

一夜西北風萬里雲散盡朝來重登樓迎面爽颼引出
樹見牆外芄芄彌隰畛額手慶宜暘屈指西成近延眺
此為佳藉用慰民隱

益思堂

能益人心思

去聲

端惟詩與書是宜尋饜飫未可負居諸

樂以四時永趣當一卷舒佳哉董季直曾說有三餘

悅霽亭口號

風吹雲片去無餘
砌曝曦光溽畢除
秋草秋花邴悅彼
農勤農苦略紓予

待月樓

庭中聳假山有樓築其西山雖似隱月亦有月上時曰
待則不無言待惟斯宜心知海中湧目見巖端栖忽覩
清光滿照我之書惟我心亦如月朗然無所為精華澹
澈間五字聊成題

雨

七月十九日

時霽時陰邇日連幸無霖霈致傷田今朝密霏雲低佈
恐遂成霖意味然

晴

秋田云熟雨無害豈識堆場亦望晴過午雲徂懸皜日
始能對霽畧紓情

命急賑直隸被水州縣詩以誌事

夏閏潦行甚畿南有被沴微禹民其魚對時增慙惴麥
收已云薄黍種復澇致念彼謀食艱未可拘常例

今春近畿

少雨麥收不及昨年閏五月內大雨過多潞河之武清等六縣低田被淹貧民未免艱食特命於八月內先賑一月口糧仍俟勘實再加賑恤

急賑命速行銀米仍兼濟

賑例應銀米兼給前曾降

旨截漕二十萬石貯北倉以備直隸賑貸之用因諭楊廷璋即於此內動撥濟各屬倉儲所不敷仍飭董率有司悉心經理俾待哺之民均霑實惠

猶恐米不足截漕早頒制申命方伯

臣勤宣期惠被既妥且欲實庶減爾我媿

即事

即事成吟吟且哦邇來憂樂一何多長

上聲

年祇覺光陰

速少境渾疑夢寐過秋景聊欣無暑氣東流不見有迴

波詩如老杜堪稱聖今也斯翁可識麼

倣趙孟頫蓮塘圖用舊作題趙畫韻

風動鯉魚波滿塘枯荷葉上獨禽翔別傳秋意斯臨趙

盡得風流彼勝黃

趙圖中有董其昌題識云倣黃荃本

藻荇蕭疎筆幾點

水天幼渺尺盈方欣於五合同書法小幅旋成趣爽涼

西直門外作

釐降因之返禁城

以和靜固倫公主下嫁進宮御保和殿賜宴

金風華黍步

輿迎爽披昨晚收陣雨曝喜秋陽暢曉晴幸未大田傷

夏滂看猶萬寶逮西成畿南莫救水鄉沴仲月先教急

賑行

武清等六縣閏夏雨水過多瀕河致滂低田難望秋收因命於仲秋先賑一月以資接濟

萬佛樓成是日瞻禮得句

六旬慶誕沐

慈恩發帑範成兩足尊數

去聲

計萬因資衆舉

建樓範佛以紀慶典

內外王公大臣亦有請鑄佛像為祝者統以萬計並奉樓中因以萬佛名樓

層看三此建樓

騫香花卜日瞻禮始福德被民願力存設曰遐齡祈壽

算朧誠還以祝

徽萱

題澄性堂

萬佛樓旁精舍新，
渟泓碧水面前陳。
迎眸何礙風和月，
澄性都蠲根與塵。
兜率不殊八功德，
阿伽全泯萬緣因。
箇中本是無一物，
試問高樓誰主賓。

致爽樓

墻背夕陽檻倚池，
漪波翻影上檐楣。
不須石級重登陟，
已喜披襟致爽颺。

湛碧亭

前後皆帶水左右復襟山雖均假施設所喜如天然秋
月與春風暮靄還朝煙小亭正對樓平臨省躋攀於樓
不見亭為去聲在菁蔥間

鏡藻軒

階前俯平池朗朗鋪鏡影鏡中寫何形交橫有藻荇是

乃為真乎東坡終幻境

用東坡承天寺
冬月夜遊事

清約池

小池半畝湛虛明
澹池軒前約且清
即景偶然題兩字
非關知否致詳評

澹吟室

兩間築精舍
咫尺祇園靜
納空和色動
標風與旂澹
懷惟寂寂吟
緒亦源源
把筆微嫌處
未能戒綺言

泛舟太液池

太液秋風裏
輕舟即景論
元明春夢錄
日月浪花翻
穗吐荻蘆老
實浮菱芡繁
金鰲橫漾過
遂與到蕉園

萬善殿瞻禮

液池南北一舟通命棹蕉園為

去聲

落工

萬善殿在蕉園中猶前明所建

閱久剥落今歲鼎新之
茲屆歲工拈香瞻禮

松戶百年依舊綠梅梁八架換

新紅金仙本自泯成壞塵世誰為悟色空初正陀羅音

禮懺

工既落成緇流於大悲壇禮懺懺
丈陀羅尼乃新依梵音釐正者

笑予者箇未全

融

和靜固倫公主下降喀爾喀親王成袞扎卜之世

子拉旺多爾濟是日成婚禮成賜宴詩以誌事

藩屏世澤效勛重

平聲

見秦臺引鳳凰

成哀扎卜之父超勇親王榮凌

在

皇祖時尚大長公主為額駙今拉旺多爾濟復尚主世承恩澤蒙古中亦罕有

畏侮和親

鄙婁敬

漢畏匈奴強侮婁敬因倡議和親厚遺隆禮究無解於邊患唐於吐蕃突厥亦以婚姻修好其

失策畧同若今中外一家諸藩部世效誠悃其尚主者禮則家人而誼等臣僕列居邸第何有漢唐降尊遠適

之嫌

費奢暱愛笑同昌

唐同昌公主出降賜錢至五百萬貫且以內府寶貨實其宅奩

具務為奇巧房櫳襪器飾皆珍寶金銀靡耗無度今公主婚禮所費不過數萬金而一切取給內府並不用戶部帑項制而有節

結褵戒勿恃尊貴就邸勉教孝舅孀

實我朝善法耳

嘉宴聊因循典則無須蘭省賦催粧

御製詩三集卷九十一